

**ლანჩხუთის მუნიციპალიტეტის საკრებულოს
ფრაქცია „ქართული ოცნება-დემოკრატიული საქართველოს“
სხდომის ოქმი №8**

**ქ.ლანჩხუთი
26.09.2019 წელი**

სხდომას ესწრებოდა: ფრაქციის თავმჯდომარის მოვალეობის შემსრულებელი კახა ბოლქვაძე

ფრაქციის წევრები:

ზაალ სანაძე, ვლადიმერ ნანაძე, რეზო კვაჭაძე, გიორგი ჩახვაძე, გიორგი გვარჯალაძე, კახა თედორაძე, რევაზ კვერენჩილაძე.

მოწვეული პირები: მერიის საფინანსო-საბიუჯეტოს სამსახურის უფროსი როლანდ ლაშხია, მერიის ეკონომიკისა და ქონების მართვის სამსახურის უფროსი გიორგი ნაჭყებია, მერიის სივრცითი მოწყობისა და ინფრასტრუქტურის სამსახურის სივრცითი მოწყობის განყოფილების უფროსმა ალექო კირვალიძე.

ფრაქციის თავმჯდომარის მოვალეობის შემსრულებელმა, კახა ბოლქვაძემ სხდომას გააცნო დღის წესრიგის პროექტი:

1. „გრიგოლეთისა და ყვავილნარის განაშენიანების გეგმის შემუშავების თაობაზე ლანჩხუთის მუნიციპალიტეტის მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი კახა ბოლქვაძე/

2. „ლანჩხუთის მუნიციპალიტეტის სუფსის ადმინისტრაციულ ერთეულში მდებარე მიწის ნაკვეთის განაშენიანების დეტალური გეგმის შემუშავების თაობაზე ლანჩხუთის მუნიციპალიტეტის მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი კახა ბოლქვაძე/

3. „ლანჩხუთის მუნიციპალიტეტის 2019 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 25 დეკემბრის N61

დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების დამტკიცების შესახებ.

/მომხსენებელი კახა ბოლქვაძე/

4. „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 28 მარტის N18 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების დამტკიცების შესახებ.

/მომხსენებელი კახა ბოლქვაძე/

5.სხვადასხვა

ფრაქციის თავმჯდომარის მოვალეობის შემსრულებელმა, კახა ბოლქვაძემ კენჭი უყარა დღის წესრიგის პროექტს:

მომხრე 8, წინააღმდეგი არცერთი

დღის წესრიგის პირველი საკითხი: „გრიგოლეთისა და ყვავილნარის განაშენიანების გეგმის შემუშავების თაობაზე ლანჩხუთის მუნიციპალიტეტის მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის სივრცითი მოწყობისა და ინფრასტრუქტურის სამსახურის სივრცითი მოწყობის განყოფილების უფროსმა **ალეკო კირვალიძემ**. მან განმარტა, რომ გრიგოლეთსა და ყვავილნარს არ გააჩნია კანონმდებლობის შესაბამისად შემუშავებული და დამტკიცებული ქალაქთმშენებლობითი დაგეგმვის დოკუმენტაცია. კურორტის განვითარება ხდება არაგეგმიურად და უსისტემოდ, რაც ზღუდავს მნიშვნელოვანი ბუნებრივი რესურსების ეფექტიან გამოყენებას. დაგეგმვის მიზანია სანიტარული დაცვის ზონებისა და შესაბამისი რეჟიმების დადგენა და მის საფუძველზე მდგრადი განვითარების პრინციპებზე დაფუძნებული, არსებული გამოწვევების შესაბამისი ქალაქთმშენებლობითი დოკუმენტაციის შემუშავება, სადაც გათვალისწინებული იქნება შემდეგი საკითხები: გეგმარებითი ერთეულის კვლევა, გეგმარებითი ერთეულის განსაზღვრა, განვითარების სტრატეგია, გეგმის კონცეფციის შემადგენლობა, მათი შემუშავების გეგმა-გრაფიკი, საჭიროების შემთხვევაში გარემოსდაცვითი შეფასების ანგარიში და სხვა დოკუმენტაციის მომზადება. ლანჩხუთის მუნიციპალიტეტის მერიის გადაწყვეტილება გრიგოლეთისა და ყვავილნარის სანაპირო ზოლის განაშენიანების გეგმის შემუშავების თაობაზე უნდა შეთანხმდეს საკრებულოსთან.

ფრაქციის თავმჯდომარის მოვალეობის შემსრულებელმა, კახა ბოლქვაძემ კენჭი უყარა დღის წესრიგის პროექტს:

მომხრე 8, წინააღმდეგი არცერთი

დღის წესრიგის მეორე საკითხი: „ლანჩხუთის მუნიციპალიტეტის სუფსის ადმინისტრაციულ ერთეულში მდებარე მიწის ნაკვეთის განაშენიანების დეტალური გეგმის შემუშავების თაობაზე ლანჩხუთის მუნიციპალიტეტის მერისთვის თანხმობის

მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის სივრცითი მოწყობისა და ინფრასტრუქტურის სამსახურის სივრცითი მოწყობის განყოფილების უფროსმა **ალექო კირვალიძემ**. მან განმარტა, რომ ლანჩხუთის მუნიციპალიტეტის მერიას განცხადებით მომართა მოქალაქე მალხაზ ქამადაძემ, რომელიც აღნიშნავს, რომ თანასაკუთრებაში გააჩნია ლანჩხუთის მუნიციპალიტეტის სოფელ სუფსაში მიწის ნაკვეთი (ს/კ 27.15.46.111 ფართობი 5206 კვ.მ.) აღნიშნულ ტერიტორიაზე დაგეგმილი აქვს სასტუმრო კომპლექსის მშენებლობა და ტერიტორიის ამ მიმართულებით განვითარების მიზნით დაინტერესებული პირი შემოდის ინიციატივით განაშენიანების დეტალური გეგმის შემუშავების თაობაზე. საქართველოს სივრცის დაგეგმარების, არქიტექტურული და სამშენებლო საქმიანობის კოდექსის 43-ე მუხლის თანახმად თუ ტერიტორიისთვის გენერალური გეგმა არ არსებობს განაშენიანების დეტალური გეგმის შემუშავების თაობაზე შესაბამისი მუნიციპალიტეტის აღმასრულებელი ორგანოს გადაწყვეტილება უნდა შეთანხმდეს იმავე მუნიციპალიტეტის საკრებულოსთან. საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 ნაწილისა და საქართველოს კანონის „საქართველოს სივრცის დაგეგმარების, არქიტექტურული და სამშენებლო საქმიანობის კოდექსი“ 43-ე მუხლის მე-3 ნაწილის შესაბამისად ლანჩხუთის მუნიციპალიტეტის მერს მიეცეს თანხმობა საქართველოს კანონმდებლობით დადგენილი წესით მიიღოს გადაწყვეტილება ლანჩხუთის მუნიციპალიტეტის სუფსის ადმინისტრაციულ ერთეულში მდებარე მიწის ნაკვეთის (ს/კ 27.15.46.111; 5203 კვ.მ.) განაშენიანების დეტალური გეგმის შემუშავების თაობაზე.

ფრაქციის თავმჯდომარის მოვალეობის შემსრულებელმა, კახა ბოლქვაძემ კენჭი უყარა დღის წესრიგის პროექტს:

მომხრე 8, წინააღმდეგი არცერთი

დღის წესრიგის მესამე საკითხი: „ლანჩხუთის მუნიციპალიტეტის 2019 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 25 დეკემბრის N61 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილება სხდომას გააცნო მერიის საფინანსო-საბიუჯეტო სამსახურის უფროსმა **როლანდ ლაშხიაძე**. მან განმარტა, რომ საქართველოს მთავრობის 2018 წლის 31 დეკემბრის N2577 განკარგულებაში საქართველოს მთავრობის მიმდინარე წლის 21 აგვისტოს N1868 განკარგულებით განხორციელებული ცვლილების შედეგად მუნიციპალიტეტის გზების სარეაბილიტაციო სამუშაოები შემცირდა 22274 ლარით, მათ შორის ცენტრალური ბიუჯეტის ხარჯზე 22009 ლარი, ადგილობრივი ბიუჯეტის ხარჯზე 265 ლარი, მრავალბინიანი სახლების სახურავის სარეაბილიტაციო სამუშაოები შემცირდა 12731,50 ლარით, სახელმწიფო ბიუჯეტის ხარჯზე 12095 ლარი და ადგილობრივი ბიუჯეტის ხარჯზე 636,5 ლარი. აღნიშნული ცვლილების შედეგად მუნიციპალიტეტს დამატებით გამოეყო 110151 ლარი ქ.ლანჩხუთში თავისუფლების და ჭანტურიას ქუჩის კვეთაზე სტადიონის რეაბილიტაციისათვის; მუნიციპალიტეტის მერიის სოციალურ საკითხთა და ჯანდაცვის სამსახურის მომართვის საფუძველზე უნდა შემცირდეს: მრავალბინიანი ოჯახების დახმარების პროგრამა 6500 ლარით, ხანდაზმულ (100 და მეტი ასაკის) პირთა დახმარების პროგრამა 500 ლარით, ბიკარბონატული, ჰემოდიალიზით-თირკმლის ქრონიკული უკმარისობით

დაავადებულთა სამედიცინო დაწესებულებაში ტრანსპორტირების პროგრამა 3000 ლარით და აღნიშნულის შემცირებების ხარჯზე უნდა გაიზარდოს სამკურნალო და საოპერაციო ხარჯების დახმარების პროგრამა 10000 ლარით; მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახურის მომართვის საფუძველზე უნდა შემცირდეს ახალგაზრდული ღონისძიებების პროგრამა (ორგ.კოდი 05 03) 198 ლარით, ასევე უნდა შემცირდეს კულტურულ ღონისძიებათა პროგრამა (ორგ.კოდი 05 02 02) 5847 ლარით და შემცირების ხარჯზე უნდა გაიზარდოს განათლების ხელშეწყობის პროგრამა (ორგ.კოდი 04 03) 6045 ლარით; შადრევან-აუზების ექსპლოატაცია, რეაბილიტაციის შემცირების ხარჯზე უნდა გაიზარდოს მუნიციპალიტეტის მერიის წარმომადგენლობითი ხარჯი 4000 ლარით; მუნიციპალიტეტის ბიუჯეტის თავისუფალი ნაშთის 3000 ლარის შემცირების ხარჯზე უნდა გაიზარდოს შპს ქალთა საფეხბურთო კლუბის ლანჩუთის „ლანჩუთი“-ს დაფინანსება 3000 ლარით; მუნიციპალიტეტის მერიის სხვა საქონელი და მომსახურების ხარჯის 3100 ლარის შემცირების ხარჯზე უნდა გაიზარდოს ა(ა)იპ სპორტული ცენტრის დაფინანსება 3100 ლარით სხვა საქონელი და მომსახურების მუხლში. ა(ა)იპ შესპორტული ცენტრის წერილის საფუძველზე შემცირდება შრომის ანაზღაურების მუხლი 18000 ლარით და შემცირების ხარჯზე გაიზარდება საქონელი და მომსახურების მუხლი (შტატგარეშე მოსამსახურეთა ანაზღაურება) 18000 ლარით.

მერიის საფინანსო-საბიუჯეტო სამსახურის უფროსმა **როლანდ ლაშხიამ** ასევე აღნიშნა, რომ საჯარო სკოლის მოსწავლეთა ტრანსპორტირების უზრუნველსაყოფად შემოსულია 322000 ლარი.

ვლადიმერ ნანაძემ დასვა შეკითხვა კონკრეტულად როდისთვის არის დაგეგმილი ქალაქ ლანჩუთში თავისუფლების და ჭანტურიას ქუჩის კვეთაზე სტადიონის რეაბილიტაცია.

ფრაქციის თავმჯდომარის მოვალეობის შემსრულებელმა, კახა ბოლქვაძემ კენჭი უყარა დღის წესრიგის პროექტს:

მომხრე 8, წინააღმდეგი არცერთი

დღის წესრიგის მეოთხე საკითხი: „ლანჩუთის მუნიციპალიტეტის ქონების საპრივატიზაციო ობიექტების ნუსხისა და ლანჩუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩუთის მუნიციპალიტეტის საკრებულოს 2019 წლის 28 მარტის N18 განკარგულებაში ცვლილების შეტანის თაობაზე“ ლანჩუთის მუნიციპალიტეტის საკრებულოს განკარგულების პროექტი სხდომას გააცნო მერიის ეკონომიკისა და ქონების მართვის სამსახურის უფროსმა **გიორგი ნაჭყებია**მ. მან განმარტა, რომ ლანჩუთის მუნიციპალიტეტის მერიამ, სსიპ „ლევან სამხარაულის სახელობის სასამართლო ექსპერტიზის ეროვნულ ბიურო“-ს შეაფასებინა, ლანჩუთის მუნიციპალიტეტის საკუთრებაში არსებული მოძრავი ქონება, ავტომანქანა („OPEL VECTRA 2.0“ ჰეტჩბეკი, სახელმწიფო ნომრით LEL-272, საიდენტიფიკაციო ნომრით VVOL000087K5147214, გამოშვების წელი 1989), რომლიც განკარგვის მიზნით, მიზანშეწონილია მისი შეტანა მუნიციპალიტეტის მოძრავი ქონების საპრივატიზებო ნუსხასა და პრივატიზაციის გეგმაში. საქართველოს ორგანული კანონის „ადგილობრივი თვითმმართველობის კოდექსი“-ს 54-ე მუხლის პირველი პუნქტის „დ.ი“ ქვეპუნქტის

თანახმად, მუნიციპალიტეტის მერი საკრებულოს წარუდგენს დასამტკიცებლად მუნიციპალიტეტის ქონების საპრივატიზებო ობიექტების ნუსხასა და პრივატიზაციის გეგმას.

ფრაქციის თავმჯდომარის მოვალეობის შემსრულებელმა, კახა ბოლქვაძემ კენჭი უყარა დღის წესრიგის პროექტს:


მომხრე 8, წინააღმდეგი არცერთი

სხვადასხვა

გიორგი გვარჯალაძემ აღნიშნა, რომ აუცილებელია მოხდეს ასფალტის საფარის დაგება ზაალ მდინარადის ქუჩაზე.

ამით ფრაქციის სხდომამ მუშაობა დაასრულა

კახა ბოლქვაძე













ფრაქციის თავმჯდომარე - მ.შ.

ფრაქცია "ქართული ოცნება-დემოკრატიული საქართველო"

ლანჩხუთის მუნიციპალიტეტის საკრებულოს „ქართული ოცნება - დემოკრატიული საქართველოს“ ფრაქციის წევრები

სარეგისტრაციო ფურცელი
26.09.2019 წელი 14:00 საათი

სახელი, გვარი	დრო	ხელმოწერა
1. თავმჯდომარე – ბესიკ კუპრაძე	ჩიკვაძე	
2. ბესიკ ტაბიძე	ჩიკვაძე	
3. ვლადიმერ ნანაძე	13:55	
4. გოდერძი ქურიძე	ს. ს. ს. ს. ს. ს.	
5. კახა თედორაძე	13:55	
6. რეზო კვაჭაძე	13:55	
7. ციციშვილი ჩხაიძე	ჩიკვაძე	
8. ზაალ სანაძე	13:55	
9. გიორგი ჩახვაძე	13:55	
10. გიორგი გვარჯალაძე	13:55	
11. კახა ბოლქვაძე	13:55	
12. რევაზ კვერენჩილაძე	13:55	